



## Die oue ontmoet die nuwe

**Dit was eintlik al jare lank 'n gegewe dat die SA Reserwebank die Nederduitsch Hervormde Kerk van Afrika Gemeente Pretoria se ou 1904-kerkgebou in Du Toitstraat sou insluk. Die kerkperseel het prominent ingesny in die moderne graniettering se daarwees.**

Die feit dat die kerkgebou wetlik beskerm word, het die bewaring van die struktuur vergemaklik. Die feit dat die kerkgebou as museum bewaar word, is 'n pluimpie, want daar kon kantore in en om die kerk gekonstrueer word. Hierdie prominente ligging van die Christendom in die hoofstad sal hopelik nog vir dekades (eeue) voortgaan.

Op 3 Mei 2022 het 'n argiteksvoorlegging plaasgevind van die nuwe Suid-Afrikaanse Reserwebankmuseum waarby die historiese Du Toitstraat-kerkgebou geïnkorporeer word. Die voorlegging by die Pretoria Instituut van Argitekte (PIA) in Tramstraat, Nieu Muckleneuk, was professioneel en puik! Verskeie verteenwoordigers van twee argiteksfirmas, 'n erfenisagentskap, NHKA Pretoriagemeente, SP Engelbrecht-museum, NHKA-argief, Tshwane Metro, eiendomsontwikkelaars in die middestad, en meer was teenwoordig.

Die werk het al ver gevorder. Die projek sal voltooi wees teen einde 2024. Dit gaan beslis 'n museum wees wat ons almal móét besoek: kunsgalery, bankmuseum en gerestoureerde 1904-kerkgebou met gerestoureerde orrel. Begeleide toere sal per afspraak geskied.

Die ou konsistorie word (ongelukkig) afgebreek. Dis mos aan die agterkant van die kansel, en daar word nou 'n glasmuur opgerig. Moontlik sal 'n venster en 'n stuk mat aan die SP Engelbrecht-museum geskenk word – die versoek word aan die erfeniskonsultant gerig. Twee nuwe deure gee toegang (met 'n hysbak) tot die galerye vanaf die bankmuseum en kunsgalery. Oral sal alles ook vir rolstoele toeganklik wees. Sonlig deur 'n glas dakvenster sal agter die kansel treffende beligting vir die kerkruijnte gee.

Weerskante van en veral voor die kerkgebou aan Du Toitstraat se kant word 'n pragtige tuin beplan. Ongeveer waar die ou Begemann-saal was, kom 'n koffiewinkel wat met glasmure sal uitkyk op die kerkgebou se wesaaansig en sal uitloop in die tuin. Daar sal geen toegang vanaf Du Toitstraat wees nie en ook nie van enige van die ou kerkdeure nie. Binnekant sal temperatuurbeheer toegepas word. Die hoofingang na die museum is vanuit Kerkstraat / Helen Joseph.

Die ou NHG-woonstelblok op die hoek (later bekend as Ken's Court) se straataansig is behou as dop, maar die woonstelle is afgebreek. Daar kom 'n heel nuwe gebou wat deel is van die bankmuseum en kunsgalery. Ook die laaste kerksaaltjie agter die konsistorie is reeds afgebreek.

Die bate van 'n kultuurskat word ten beste bewaar onder streng sekuriteit. Die kerkgebou word in besonderhede mooi gerestoureer. Beter vir die Ou Moeder van ons kon ons nie gevra het nie!

\*\*\* Kyk op bladsy 2 vir driedimensionele beelde van die beoogde kompleks.



**Ds C Johann de Bruin**  
**Kurator: SP Engelbrecht-museum**

Om *Blitspos* te ontvang, stuur 'n e-pos na [bladuitleg@nhk.co.za](mailto:bladuitleg@nhk.co.za) of [grafies@nhk.co.za](mailto:grafies@nhk.co.za) en versoek dat u naam op die versendingslys geplaas word


Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)

Webblad van die Hervormde Kerk [www.nhka.org](http://www.nhka.org)

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.



## Lief en leed



Ds Wimpie en Christa Steyn

- Emerituspredikant **ds WJ (Wimpie) Steyn** (77) is Maandag 16 Mei in die Pretoriase Harthospitaal opgeneem met hart- en nierversaking. Hy ondervind reeds die afgelope paar jaar ernstige gesondheidsprobleme. Ons bid hom beterskap toe, en baie sterkte vir hom en sy vrou, Christa.
- **Die volgende predikante verjaar tot 27 Mei, en word hartlik geluk gewens:**
  - Vrydag 20 Mei: Dr PJ (Piet) van Zyl (65) (emeritus), di HJ (Hendrik) Odendaal (66) (emeritus) en T (Theuns) Snyman (81) (emeritus)
  - Maandag 23 Mei: Ds CJ (Johann) de Bruin (51) (siekte-emeritaat / Kurator SPE-museum)
  - Dinsdag 24 Mei: Dr RJ (Robert) Jones (49) (Villieria)
  - Woensdag 25 Mei: Di RP (Rudi) Botha (68) (emeritus/Wesmoot), JJC (Johan) Koekemoer (61) (Marble Hall) en DJD (Danie) Taljard (57) (Sionshoogte)
  - Donderdag 26 Mei: Ds J (Jackie) Dippenaar (45) (beroepafwagting)
  - Vrydag 27 Mei: Dr PL (Piet) Steenkamp 70 (emeritus/Glencoe)

## Gemeentes en bediening

Die Raad van Finansies het enkele jare gelede besluit dat die Kerk 'n voorbeeld vir die wêreld moet stel. Daarom is **Hemelvaartdag** (vanjaar Donderdag 26 Mei) vir die personeel van die Sinodale Dienssentrum 'n vakansiedag. Let dus asseblief daarop dat die **Sinodale Dienssentrum gesluit** is vir dié dag.



Dr Annelie Botha

- **Dr A (Annelie) Botha** van Mafeking/Zeerust is aangestel as dosent in Praktiese Teologie (met spesialiteit Pastoraat) aan die Universiteit van Pretoria. Die akte van benoeming as teologiesdosent sal tydens die vergadering van die Kommissie van die AKV aan die begin van Junie bekragtig word. Daar sal op **Sondag 29 Mei** na 'n spesiale erediens amptelik van dr Botha afskeid geneem word in Gemeente Mafeking. Die verrigtinge begin om 11:30, en middagetete sal na die diens bedien word. Persone wat die ete wil bywoon of navrae het, kan voor of op 22 Mei 'n SMS of WhatsApp-boodskap na een van die volgende nommers stuur: Gys van der Merwe 082 553 0194 of Karin Landsberg 076 864 5746.
- **Omsendskrywe 22 van 2022** is Dinsdag 17 Mei versprei. Emeriti van die NHKA moet daarvolgens asseblief die nodige reëlings tref om te verhoed dat te veel belasting van hulle afgetrek word. Die hoofbeampte van die NHKA Pensioenfonds, **ds Herman van den Berg**, het die moeite gedoen om die betrokke skrywe van die SA Inkomstediens by <https://www.sars.gov.za/latest-news/tax-deductions-pay-on-your-pension-or-annuity/> weer aan te stuur en selfs spesiaal vir ons lede in Afrikaans te vertaal. Kry sy vertalings van die skrywes van Sanlam [hier](#) en Momentum [hier](#).
- Inskrywings vir **Comrades 2022** sluit reeds hierdie week. Voornemende deelnemers wat nog nie ingeskryf het nie, sal dus nie meer die Bybelgenootskap se projek **Hardloop vir Bybels** met hul deelname kan ondersteun nie. Die enigste ander roete om te gaan, is dan om die projek finansiëel te ondersteun. Om 'n donasie van R100 te maak, borg 'n persoon 'n uitreik-Bybel asook 'n stel geletterdheidsboekies wat gratis beskikbaar gestel word aan graad 7-leerders en aan leerders van graad RR tot graad 2. Gaan na <https://www.biblesociety.co.za/index.php/af/raak-betrokke/gee-nou> om 'n bydrae te maak.
- **Gemeente Stellenbosch** vier vanjaar hul **50ste bestaansjaar** en nooi almal wat oor die jare deel was van die **HSV (Hervormde Studentevereniging)** na 'n **reünie die naweek van 15-17 Julie 2022** op 'n kampterrein naby Stellenbosch. Almal wat dit graag wil bywoon, word versoek om Elizabeth Rossouw te kontak, selfoon 081 833 7022, e-pos [22620109@sun.ac.za](mailto:22620109@sun.ac.za). Alternatiewelik kan u ook vir dr Chris le Roux by [cleroux@mweb.co.za](mailto:cleroux@mweb.co.za) kontak. Alle oudlidmate van Stellenbosch, vorige predikante asook ander belangstellendes word ook genooi om die **Feesdiens op Sondag 24 Julie** om 11:00 by te woon. Indien moontlik, is u ook welkom om Saterdag 23 Julie by hul Potjiekosdag op 'n nabygeleë wynplaas te kom saamkuier.



- **VAKANTE WERKRUIMTE: Gemeente Groot Marico.** Aansoeke van gelegitimeerde predikante van die NHKA in die traktementskaal 4-6 jaar word ingewag vir die vul van die vakante werkruiimte te Groot Marico, ring van Zeerust.

**Gemeenteprofiel:** Groot Marico is 'n plattelandse gemeente sedert 1923. Die grootste deel van die gemeente is 'n boerderygemeenskap. Die gemeente het 'n bestaande funksionele kerkgebou, saal, kategeselokale en 'n netjiese pastorie, ongeveer 2 km vanaf die kerk op 'n plaas. Die ledetal is ongeveer 262, waarvan 42 nie-belydend is. 100 van hierdie lidmate is pensioenarisse. Die naaste skole is ongeveer 40 km vanaf Groot Marico.

**Gemeente se verwagtinge:** Die suksesvolle kandidaat sal die gemeente lei en steun in die uitvoering van die gemeente se visie *Saam vorentoe in geloof*, deur onder andere deurleefde Woordverkondiging, deur die gemeente en die gemeenskap te motiveer om as een liggaam te funksioneer, met pastorale versorging van lidmate, deur die kerkraad te lei in die uitvoer van die gevestigde bedieningsplan vir die gemeente, deur sinvolle kategeese en jeugprogramme aan te bied, fondsinsamelingsprojekte te ondersteun en die betrokke komitees aan te spoor tot sukses.

**Versorgingsvoordele:** Die versorgingsvoordele behels volle versorging en 'n totale-koste-tot-gemeente-pakket in lyn met kerkskale, na gelang van ervaring.

**Aansoeke:** Indien u wil aansoek doen, stuur 'n volledige curriculum vitae, vergesel van 'n brief waarin gemotiveer word waarom u uself as geskik beskou, per e-pos na die onderstaande adres. **Die sluitingsdatum vir aansoeke is 31 Mei 2022.** Stuur aansoeke na [bloekomrus@vodamail.co.za](mailto:bloekomrus@vodamail.co.za). Vir navrae, kontak die skriba, Ria Pretorius, by 082 944 0210.

**Vrywaring:** Die kerkraad behou die reg voor om 'n predikant te beroep wat nie aansoek gedoen het vir die vul van die werkruiimte nie.

- **VAKANTE WERKRUIMTE: Seestergemeente Brackenhurst.** Die gemeente beskik vanaf 1 Mei 2022 oor 'n voltydse werkruiimte vir 'n predikant. Seester Brackenhurst is 'n voorstedelike gemeente en omvat die woonbuurte Brackenhurst, Brackendal, Brackendowns, Meyersdal, Mayberrypark en Albertsdal. Daar is tans 482 lidmate, waarvan 372 belydend is.

Aansoeke moet vergesel wees van 'n volledige CV en 'n persoonlike profiel. Die kerkraad behou die reg voor om die kortlys vir onderhoude na die sluitingsdatum te verklein of te vergroot. Gekeurde aansoekers sal ná die sluitingsdatum genooi word vir onderhoude. Die kerkraad behou die reg voor om, indien daar geen geskikte kandidate is nie, weer die pos te adverteer.

Die vergoeding is volgens die Kerk se riglyne, en 'n gedetailleerde pakket sal met die suksesvolle kandidaat onderhandel word.

**Die sluitingsdatum vir aansoeke is 31 Mei 2022.** Stuur asseblief u aansoek aan mev Nadia Oosthuizen by [nhkbrack@ananzi.co.za](mailto:nhkbrack@ananzi.co.za). Navrae kan gerig word aan oudl Gerhard van Niekerk by 082 461 2428.

- **Gemeente Newlands (Johannesburg)** beskik oor 'n **vakante orrelistepos** en is op soek na die dienste van 'n dinamiese orrelis. Die gemeente se orrel is 'n uitstekende instrument – om die orrel in aksie te sien, volg gerus hierdie skakel:  
<https://www.facebook.com/NHKNewlands123/videos/297136898270144>

Bo en behalwe orrelspel tydens eredienste, sal ook van die persoon verwag word om 'n wesenlike impak en 'n skeppende bydrae te lewer tot uitbreiding van die gemeente se musiekbediening. VONKK-liedere is baie geliefd in die gemeente.

Aansoeke, vergesel van 'n verkorte CV, moet gerig word aan die skriba, Paul Jansen, by [newlandsgemeente.skriba@gmail.com](mailto:newlandsgemeente.skriba@gmail.com).

## Vergaderings

- Donderdag 19 Mei: ADV-webinaar: Kinderbeskerming
- Vrydag 20 Mei: Raad van Finansies
- Dinsdag 24 Mei: Pensioenvergaderings
- Woensdag 25 Mei: DPS en Plesion Finkom

## Kerklike publikasies

*Tydskrif vir Hervormde Teologie (THT)*  
Jaargang 9 (2021)

Die NHKA se teologiese tydskrif  
nou vir die eerste keer in boekvorm!

Beperkte oplaag –  
bestel by [boekwinkel@nhk.co.za](mailto:boekwinkel@nhk.co.za)

R120 (versending uitgesluit)



- Die Mei 2022-uitgawe van **Die Christelike Vrou** word ingelui deur **Marina Nortjé**, voorsitter NHSV Swellendamstreek, met haar artikel *Kruik van die lewe*, waarin sy vertel hoe God ons kruik vul op ons lewenspad. **Diaken Andries Pretorius** lig belangrike punte uit van 2022 se *Tooi Turkoois*-bewusmakingsveldtog en ander projekte van die ADV. **Susan Janse van Rensburg**, voorsitter NHSV Dorslandstreek, deel praktiese kennis met ons om kleuters se ervaring van Bybelstories te optimaliseer in *Sodat kleuters Bybelstories beter verstaan*. **Ds Hannelie Botha** gee in *Wil jy huis bou?* 'n volledige uiteensetting van die belangrikste punte om in gedagte te hou wanneer huisbou jou te beurt val. **Thea van Rooyen**, predikantsvrou in Gemeente Lichtenburg-Oos, sluit die uitgawe af met *Nardusolie* (ook genoem muskus) en vertel waar dit groei in die Himalajagebergte en wat hierdie blomplant se antieke en moderne gebruike is. Volg die skakel <https://nhsv.org.za/publikasies/>.

**Bybelse Dagboek / Almanak 2022**  
R200 (versending uitgesluit)



Kry belangrike inligting oor die Hervormde Kerk én 'n inspirerende Bybelse dagboek in een omslag

Beperkte oplaag – bestel by [boekwinkel@nhk.co.za](mailto:boekwinkel@nhk.co.za)

## Studentesake

- **Studentebehuising vir 2022. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na [nhkphiladelphia@gmail.com](mailto:nhkphiladelphia@gmail.com) vir meer inligting.
- **Studentebehuising vir 2022. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met

gedeelde fasiliteite, óf eenmenswoning. Skakel dr Chris le Roux by 079 495 3239 of stuur 'n e-pos na [stellenbosch@nhk.co.za](mailto:stellenbosch@nhk.co.za) vir meer inligting.

## 'n Gedig

### Ek neem my ma se hand

*Vir my ma (1912-2005)*

My ma krimp ineen soos die jare  
haar gereedkry en nommerpas  
vir die laaste reis.  
Oggendtee se ketel het te swaar geword  
vir haar hande, moeg van knie en weskaf.  
Gewoonte laat verknoopte vingers  
steeds oor 'n tafelblad gly ingeval  
stof oornag haar trots versand.  
My ma word klein, tinktinkieklein,  
onseker, broos, aanhanklik –  
en ek vou haar hand in myne  
waar ons wag op die agterdeur se klik.

### Eunice Basson

(Uit: *By die dag*, 2020)

## Toerusting

### Drie-dag-kursus om CRM-begeleier te word

#### Kweek veerkragtigheid in 'n getraumatiseerde gemeenskap

- Die *Community Resiliency Model* (CRM)
- Dr Barbara Wade
- 23-25 Mei 2022, 09:00-13:30 elke dag
- Raadsaal van Gemeente Philadelphia
- R1 000 per persoon, ligte verversings ingesluit
- Bring notaboek en pen
- Navrae: Clarika Haffingh [clarikah@nhk.co.za](mailto:clarikah@nhk.co.za)

#### Inbetaling:

Kerkgeld vir Kerkwerk, ABSA, rekeningnommer 020 149 752, takkode 632 005

Verwysing: HTK CRM + naam      Bewys van betaling na [clarikah@nhk.co.za](mailto:clarikah@nhk.co.za)

Maar 'n takkie sal spruit uit die stomp van Isai,  
en 'n loof uit sy wortels sal vrugte dra (Jes 11: 1)

- Staar u dikwels voor 'n getraumatiseerde lidmaat en wens u weet hoe om werklik van hulp te wees? Kom woon 'n **TIR-werkwinkel** (*Traumatic Incident Reduction*) by en kom leer iets van Jesaja 50:4 –  
*Die Here my God het my geleer om die regte woorde te gebruik sodat ek dié wat moeg is, kan moed inpraat. Elke môre laat Hy my opnuut weer luister...*  
**Datum:** 6-9 Junie 2022  
**Plek:** Pretoria  
**Koste:** R5 000  
Besoek [yvonneretief.weebly.com](http://yvonneretief.weebly.com) of kontak Yvonne by [retief.yvonne@gmail.com](mailto:retief.yvonne@gmail.com)
- Die **Sentrum vir Gemeentelike Bediening (SGB)** bied die **IMG-kursus** (Inleiding tot Missionale Gemeentewees) gratis oor 'n periode van ses weke aan. Dit sal via Zoom plaasvind, daagliks van 09:00 tot 11:00, en wel op die volgende datums:
  - Die herontdekking van God se missie: 28 Julie
  - Die herontdekking van missionaliteit in 'n veranderende wêreld: 4 Augustus
  - Die herontdekking van die missionale aard van die gemeente: 11 Augustus



- Die herontdekking van dissipelskap: 18 Augustus
- Die herontdekking van missionale spiritualiteit: 25 Augustus
- Die herontdekking van missionale luister in die gemeenskap: 1 September

Join Zoom Meeting

<https://us02web.zoom.us/j/9427689935?pwd=d3d3K1N1cDU0a1plZCtjSS9ZSFY4dz09>

Meeting ID: 942 768 9935

Passcode: SGB

Navrae: Dr Frikkie Labuschagne by [karen@nhk.co.za](mailto:karen@nhk.co.za).

## Fondsinsamelings


- **Gemeente Lichtenburg: *Local is lekker* Oesfees**  
**Saterdag 28 Mei vanaf 08:30**  
 Gratis toegang  
**Gaskunstenars:** Ruan Josh en Franja du Plessis  
**Vir kinders:** Tombola, skyfskiet (gratis), reuseglybaan, klimmuur, springkasteel  
**Veiling met pragstukke:** Krugermunt, skilderye, Marico- en Lichtenburg-mampoer, handgemaakte sweep, spesiale *Local is Lekker Oesfees* versamelaarswyn, wildsbokke  
**Tradisionele stalletjies** met pap-en-kaiings, spesiale resep lewerkoekies – die beste in die Noordweste!  
**Ander stalletjies:** Nagereg, pannekoek, vetkoek, *doughnuts*, worsbroodjies, kerrie-en-rys, koeldrank, koffie...  
**Plaasstalletjie** met handwerk en plaasprodukte  
 Kwaliteit **bees-, skaap- en varkveis** teen uiters billike pryse: wors, maaltveis, kookveis en Russiese wors word verwerk (lekkerste Russiese wors in Suid Afrika!)  
 Meer as 100 groot koeke  
 Meer as 600 pakkies klein koekies en beskuit  
**Kompetisie met pryse, kaartjies @ R20:**  
 1ste R20 000; 2de vakansie vir 'n week in Margate vir 5 persone;  
 3de R5 000; 4de juwele ter waarde van R4 000;  
 5de brandstof ter waarde van R1 000;  
 6de GROOT VERRASSING  
 Kaartfasiliteite beskikbaar!  
 Kontak Dave Oosthuizen 083 311 2962
- **Rata se Gholfdag 23 Augustus 2022 ten bate van Kinderbeskerming.** Rata Maatskaplike Dienste is gebore uit die NHKA en werk deur die jare onverpoos voort om kinders uit haglike omstandighede te red en aan hulle die nodige beskerming en statutêre dienste te bied, asook om die moeisame pad na heelwording saam met hulle te stap. Die koste beloop ongeveer R10 000 per jaar per kind. Oor die tydperk van 2020-2021 is meer as 1 600 kinders uit omstandighede van mishandeling, verwaarlosing en selfs situasies van kinderhandel verwyder. Ten einde broodnodige fondse aan te vul, hou die Rata-hoofkantoor 'n jaarlikse Gholfdag, hierdie jaar op **23 Augustus by Silver Lakes Golf & Wildlife Estate** – hul agtste Gholfdag. Rata vra vir ondersteuning in die vorm van vierbalinskrywings, borgskappe en pryse. Enige hulp word opreg waardeer. Begroot solank nou, kry jul spanne bymekaar en gaan loer na die wit olifante wat as pryse kan dien. Dink ook asseblief aan kennisse en kontakte wat mag belangstel om hande te neem met ons en kinderbeskerming te ondersteun. Inskrywingsvorme, borgskapvorme en meer inligting kan aangevra word van Annelle by [info@rata.org.za](mailto:info@rata.org.za) of 064 437 5997.

## Barmhartigheid

- **Athalia Uitrek in Bloemfontein**  
**Verblyf vir en versorging van bejaardes en gestremdes**  
 Enkel- en deulkamergeriewe in 'n huislike atmosfeer

Verblyf met 3 etes ingesluit  
Verblyf sonder versorging R1 700 per maand  
24-uur-versorging onderhandelbaar  
(maksimum R8 000 per maand deelkamer)  
Navrae: 079 826 6363 / 084 023 0315 / 051 522 6089  
[navrae@athalia.co.za](mailto:navrae@athalia.co.za)  
[www.athalia.co.za](http://www.athalia.co.za)

- **Machteld Postmus-behuisingskompleks vir bejaardes** in Brooklyn, Pretoria, het 'n **tweeslaapkamer-woonregeenheid** beskikbaar by Frans Boshoff: Dit is Woonstel 13 teen R465 400. Kontak mev Hannelie Fourie by 012 325 1857 x216 vir meer inligting.
- **Louis Trichardt-behuisingskompleks vir bejaardes** in Danville, Pretoria, bied kamergeriewe met drie etes per dag teen R4 435 per maand. Vir meer inligting, kontak mev Vicky Muller by 012 386 5310.
- **Ons Tuis (Andries Marié Oosthuizen) in Parys** het tans plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
- **Seniordal-aftreeoord**  
Seniordal is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in Rietondale, Pretoria, wat bekend is as 'n stil, veilige, boomryke omgewing en 'n voëlparadys. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:  
Enkelwoonstel (*Bachelor*): R510 000  
Eenslaapkamer: R515 000  
1½-slaapkamer: R520 000  
Tweeslaapkamer: R560 000  
Navrae: Salomie Stolz 012 329 4318 / 083 308 0520



## Betaalde advertensies in hierdie nuusbrieff

**Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word.** (*Tekskennisgewings van gemeentes is gratis.*) Indien 'n jpg-weergawe van die advertensie voorsien word, **moet dit 15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan mev Tessa Oppermann, per e-pos na [produksie@nhk.co.za](mailto:produksie@nhk.co.za). GEEN advertensie sal geplaas word sonder die betalingsbewys nie.

Die **teks en bewys van betaling** moet mev Oppermann bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

**Die koste is R250 per plasing (BTW ingesluit).** Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**



## Gebed vir troos

Vader,  
U hou die tyd in u hande,  
en U sien alles, van begin tot einde.  
Hou asseblief hierdie kosbare mense vas,  
en dra hulle terwyl hulle treur oor hul verlies.  
Omvou hulle met die vleuels van u groot liefde,  
bring hul vermoeide harte tot rus,  
en laat hul gemoedere bedaar.  
Heer,  
hef hul oë op  
sodat hulle 'n glimp van die ewigheid kan gewaar,  
en getroos kan wees deur die belofte van die hemel.  
Ons vra dit alles in die kosbare Naam van Jesus.  
Amen.

[sympathymessageideas.com](http://sympathymessageideas.com)

(Afrikaanse verwerking: Tessa Oppermann)